

從東方出已右繞須彌留山半腹西沒再三見已各相謂言諸仁者輩此是彼天光明流行是天光明流行世也是故稱言修梨耶修梨耶修梨耶者隋言此彼是也故有如是名字出生

起世經卷第九

取九

飢饉下渠反殺羊古上音耗勝音繒反日邏郎賀反穉下尼反土塊下尼反子上蒲反誅戮朱六反耳瑱當下音釵鑷下尼反鴈下詩注殄徒典反脚羊濈反亢旱上音戍邏下詩注陂池碑上音脚羊濈反戰悚下息反洪赫下許反峯岫下音掘勿其反鹹鹵咸魯反澆漬下古音洗盪下音獺虬下音低寐迷下就反鑽酪下音祁羅上渠反盈汎下音搏掬下音

起世經九卷

其末

取九

起世經卷第十

取十

隋三藏法師闍那崛多等譯

最勝品第十二之餘 復次諸比丘其彼光明日大宮殿縱廣五十一踰闍那上下四方周匝正等七重墻壁七重欄楯七重多羅樹普皆圍遶雜色間錯以為莊嚴彼諸垣墻皆為金銀瑠璃頗梨及赤真珠碑磔碼碯等諸七寶之所成就普四方面悉有諸門彼等諸門皆有樓櫓却敵臺觀及諸樹林池沼園苑其中悉生種種樹種種葉種種華及種種果種種香熏復有種種諸鳥鳴聲諸比丘其彼日天大宮殿中有二種法立其宮殿四方如宅遙看似圓諸比丘其日大宮殿多有天金及天頗梨間錯成就兩分天金清淨無垢離諸穢濁皎潔光明其一面以天頗梨成淨潔光明善磨善瑩無垢無穢諸比丘其彼日天大宮殿中有五種風吹轉而行何等為五所謂一持二住三隨順轉

四波羅呵迦五將行

復次諸比丘其彼日天大宮殿前別有無量諸天先行無量百天無量千天無量百千諸天而行行時各各常受安樂牢行牢行有是名字又諸比丘其彼日天大宮殿中有閻浮檀妙輦出生其輦上高十六由旬廣八由旬

而彼輦中其日天子及內眷屬入彼輦中以天五欲功德和合具足受樂歡喜而行諸比丘其日天子壽命歲數滿五百年子孫相承皆於彼治其宮殿住滿足一劫

復次諸比丘其日天子諸身分中光明出照閻浮檀輦其閻浮檀輦中光明出已照彼日

大宮殿從彼日大宮殿光相相接出已照四大洲及於世間諸比丘其日天子具足而有一千光明五百光明傍照而行五百光明向下而照復次於中何因緣故其日天子大勝宮殿照四大洲及衆世界諸比丘有一種人能行布施彼布施時施於沙門婆羅門及貧

窮孤獨遠來乞求所謂食飲乘騎衣裳華鬘瓔珞塗香牀敷房舍燈油凡是資身養活命者彼布施時速疾即施不諂曲施或復供養諸持戒仙功德具足行善法者種種承事彼因是故受無量種種身心安樂譬如曠澤空閑山林或復廣積而有池水其水涼冷清淨

取十

二

輕甜時有壯夫遠行疲極熱惱渴之不飲食來已經多日至彼池所飲已澡浴除斷一切渴乏熱惱出於池外身意怡悅受於無量快樂歡喜如是如是彼布施時心清淨故身壞命終於日天子宮殿中生彼中生已報得如是速疾稱心飛行宮殿此因緣故日大宮殿

照四大洲及餘世界

諸比丘復有一種斷於殺生不盜他物不行邪媾口不妄語不飲諸酒身不放逸供養持戒功德具足諸仙諸賢親近純直善法行人廣說如前身壞命終隨願往生日天宮殿住彼當受速疾果報是故名爲諸善業道此因

緣故其日宮殿照四大洲并餘世界復有一種修不殺生乃至正見彼曾供養諸仙持戒功德具者純直善行曾值遇彼清淨因緣亦當報生日宮殿中受速疾果以是緣故其日宮殿照四大洲及餘世界廣說如前

諸比丘六十刹那名一羅婆三十羅婆各牟休多諸比丘若干刹那若干羅婆及牟休多其日宮殿六月北行日於一日行六俱盧奢不曾暫時離於日道六月南行亦一日行六俱盧奢不差日道諸比丘其日宮殿六月行時其月宮殿十五日中還亦許行復次於中有何因緣生諸熱惱諸比丘其日宮殿六月

取十

三

之中向北道行一日中行六俱盧奢亦不曾離日道而行但於其中有十種緣故生熱惱何等爲十諸比丘須彌留山王外其次有山名佉提羅迦高廣正等四萬二千由旬雜色可觀七寶成就於其中間日大宮殿所有光明照於彼山觸而生熱彼三摩耶致有熱惱

比第一緣故生熱惱復次諸比丘佉提羅迦山外其次有山名伊沙陀羅高廣正等二萬一千由旬於其中間日大宮殿所有光明照觸彼山此是第二熱惱其次由軋陀山高廣一萬二千由旬是第三緣其次善現山高廣六千由旬是第四緣其次馬片頭山高廣三千由旬是第五緣其次尼民陀羅山高廣一千二百由旬是第六緣其次毗那耶迦山高廣六百由旬是第七緣其次輪圓山高廣三百由旬是第八緣其次從此大地已上虛空高萬由旬彼有夜叉諸宮殿輩頗梨所成是第九緣其次四大洲中并及八萬小洲之中自餘大山須彌留山王等是第十緣具足應如佉提羅迦中說此是十種日大宮殿六月之中向北道行熱惱因緣復次於中何因何緣有諸寒冷諸比丘日大宮殿六月已後向南而行於中復有十二因緣故生寒冷何等十二諸比丘其須彌留山

佉提羅迦等二山中間須彌留海廣八萬四千由旬周迴無量優鉢羅鉢陀摩究牟陀奔荼梨迦等華悉皆遍滿甚有香氣於彼中間日大宮殿所有光明而相照觸此是第一寒冷因緣如是次第伊沙陀羅山是第二緣由乾陀山是第三緣善現山是第四緣馬片頭山是第五緣尼民陀羅山是第六緣毗那耶迦山是第七緣輪圓之山是第八緣其中諸華具足次第應如佉提羅迦山中廣說復次所有閻浮提洲中諸河流行日大宮殿所有光明而相照觸故有寒冷略說乃至此是第九寒冷因緣復次所有閻浮提洲中諸

取十

四

光明而相照觸此是第一寒冷此是第十二緣諸比丘日大宮殿六月向南行日於一日行六俱盧奢不違其道於中有此十二因緣所以寒冷復次於中有何因緣其冬天時夜長晝短諸比丘其日宮殿過六月已次向南行日於一日日行六俱盧奢亦不差移但於彼時其日在於閻浮提洲最南邊際地形狹小日過速疾諸比丘此因緣故其冬分中晝短夜長復次於中有何因緣春夏晝長其夜短促諸比丘日大宮殿過六月已向北而行一日中行六俱盧奢亦不差移乖異常道但於彼時正在閻浮處內而行地寬行久所以晝長諸比丘此因緣故春夏晝長其夜即短復次諸比丘若閻浮提洲日中於弗婆提洲則日沒其瞿陀尼洲日出鬱多囉究留洲正夜半若瞿陀尼洲日中其閻浮提洲日沒鬱多囉究留洲日出弗婆提洲夜半若鬱多囉

取一

五

究留洲日中其瞿陀尼洲日沒弗婆提洲日出閻浮提洲夜半若弗婆提洲日中則鬱多囉究留洲日沒閻浮提洲日出瞿陀尼洲夜半諸比丘其閻浮提洲人所有西方瞿陀尼洲人以為東方其瞿陀尼洲人所有西方鬱多羅究留洲人以為東方其鬱多羅究留洲人所有西方弗婆提洲人以為東方其弗婆提洲人所有西方閻浮提洲人以為東方南北二方亦復如是佛於此中說優陀那轉住及轉壞 天出及薄覆 十二重風吹於前諸天行 樓櫓及風吹 身體光明照布施持戒業 剎那羅婆過 說熱有十緣論寒十二種 晝夜及日中 東西說四方諸比丘其月天子最大宮殿縱廣正等四十九由旬周而上下七重垣墻七重欄楯七重鈴網復有七重多羅行樹而為圍遶雜色可觀彼諸墻壁皆以金銀乃至瑪瑙七寶所成

四面諸門各有樓櫓種種莊校廣說如前日天宮殿乃至衆鳥各各自鳴諸比丘其月宮殿純用天金銀天青瑠璃以為間錯其二分銀清淨無垢無諸滓穢其體皎潔甚為明曜彼之一分天青瑠璃亦復清淨表裏映徹光明遠照諸比丘其月天子最勝宮殿有五種風所持而行何等為五一持二住三順四攝五行以是五種因緣持故其月宮殿依空而行諸比丘其月宮殿復有無量諸天宮殿在前而行無量百千萬數諸天在前而行其行之時受於無量種種快樂彼諸天等皆有名字諸比丘其月天子大宮殿中更復別有青瑠璃輦其輦出高十六由旬廣八由旬其月天子及諸天女入於輦中以天種種五欲功德和合受樂歡娛悅豫隨意而行諸比丘其月天子依天數量壽五百歲子孫相承皆於彼治然其宮殿住於一劫諸比丘其月天子諸身分中光明出已即便照彼青

取十

六

瑠璃輦其輦光照月大宮殿月宮殿光照四大洲

諸比丘其月天子有五百光向下照行有五百光傍照而行故名月天子光明也亦復名為涼冷光明

諸比丘何因緣故月大宮殿照四大洲過去

世時布施沙門及婆羅門貧窮孤獨遠來乞求所謂飲食乘騎衣服華鬘諸香牀鋪房舍諸資生等而彼施時應時疾與不諂曲心或復供養諸仙持戒具功德者正直純善彼因緣故受無量種種身心快樂譬如空閑山林荒澤曠野積中有一池水涼冷輕美無有濁穢是時有人遠行疲乏飢渴熱逼入彼池中澡浴飲水除一切苦受無量樂如是如是彼因緣故生月天子宮殿之中受樂果報諸比丘復有一種斷於殺生乃至斷酒及放逸行供養承事諸仙人等亦生於彼月宮殿中照四洲界復有斷殺乃至正見故得速疾

空行宮殿此則名為諸善業道又何因緣其月宮殿漸漸而現有三因緣何等為三一者備方面出二者有青身諸天形服瓔珞一切悉青常半月中隱覆其宮以隱覆故彼時月形漸漸而現三者從彼日天大宮殿中別有六十光明出已障彼月輪以是義故漸漸而現

取十

復次於中何因緣故其月宮殿圓滿充足如是顯現諸比丘此亦三緣故使如是一者彼時月大宮殿正方面出以是義故圓滿而現復次彼青色天衣服瓔珞一切皆青常半月中隱月宮殿而見宮殿於逋沙他十五日時圓滿光明照耀熾盛譬如多有諸種油脂中然大炬彼等一切諸餘燈明悉皆翳覆如是如是月大宮殿十五日時每恒如是復次日大宮殿六十光明出已障彼清淨月輪而月宮殿於逋沙他十五日中圓滿具足於一切處皆稱翳障彼時日光不能覆蔽復次於中何因緣故月大宮殿於彼黑月第

十五日一切不現諸比丘其月宮殿於彼黑月第十五日近日宮殿行彼由日光作覆翳故一切不現復次何緣月大宮殿得名月也諸比丘其月宮殿於彼黑月一日已去以其光明顏色威德缺而減少以此因緣得名月也復次於中何因緣故月大宮殿其中有影諸比丘有闍浮樹因此故言闍浮洲也於彼清淨月輪光明為其作影此因緣故有於影現復何因緣有諸河水流於世間諸比丘有日故有熱有熱故有惱有惱故有炎有炎故有汗濕有汗濕故諸山之中汁流水出諸比丘此因緣故河流世間復何因緣有五種子世間出現諸比丘若於東方或有世界轉成已壞或壞已成或成已住南西北方成壞反住亦復如是亦時阿那毗羅大風別於他界轉成住處吹五種子散此界中散已復散乃至大散所謂根子莖子節子合子子子此為五子

諸比丘闍浮大樹有是色果譬如摩伽陀國中量斛摩尼彼等摘已其汁流出色譬如乳味甜如蜜

諸比丘闍浮樹果有五種分出生利益謂東南西上下彼東分者諸捷闍婆輩食其南分有七種大聚落人輩食所謂一不正叫二叫

取十

八

喚三不正體四賢五善賢六牢七勝於彼七種大聚落中有七黑山所謂一偏廂二一搏三小棗四何髮五百偏頭六能勝七聚勝彼七山中有七梵仙所居之窟一善眼二善賢三小四百偏頭五爛物池六黑入七增長時其西分中金翅鳥輩食上分虛空夜叉輩食

下分海中諸蟲輩食於中有優陀那偈

初說雨多少 宮殿中示現 二事多有風
於前諸天行 輦及於壽命 身體光明照
布施持戒業 偏及蒲足輪 月影及不現
有影何因緣 諸河諸種子 闍浮樹最後
諸比丘劫初衆生食地味時既資益已久長

住世而彼等輩若多食者顏色即少若少食者光相殊勝當於彼時形色現故衆各相欺言爭勝劣勝者生慢以我慢故地味便沒即生地皮色味具足譬如成就羯尼迦羅華有如是色又如淳蜜無蠟有如是味彼等衆生共聚集已憂愁苦惱椎骨叫喚迷悶因乏唱

言嗚呼我地味嗚呼我地味譬如今者所有勝味既當知已唱言嗚呼此是我味執著舊言不知真義彼等衆生亦復如是時彼衆生食於地皮久長住世多食色麁少食形勝以勝劣故我慢相凌地皮復沒便生林蔓形色成就香味具足譬如成就迦藍婆柯華有如是

取十

六

是色割之汁流猶無蠟之蜜乃至如前聚共愁惱如是次第林蔓沒已粳米出生不曾耕種自然顯現無其無糲清淨米粒香味具足彼時衆生如是食已其諸身分即有脂隨皮肉筋骨膿血衆昧及有男女根相而彰根相既生染心即起以有染故數相視瞻既數相

看便生愛欲以欲愛故便於昇處行非梵行不淨欲法時彼復有自餘衆生未如此者見已告言謂汝衆生所作甚惡云何如此其彼衆生遂生慙愧墮在不善諸惡法中即得如是波帝波帝之名字也梵語波帝時彼衆生以墮如是諸惡法故共行欲者將飯食來言

有墮也言有墮也如是立名為婆梨耶婆梨耶也梵語婆梨耶諸比丘此因緣故舊時下來諸勝人輩見於世間夫婦出故彼等衆輩以左手捉用右手推今離彼處而彼衆生或復三月三月去已還復歸來時彼衆輩見彼還來即以杖木土塊瓦石而用打擲作如是言

汝善隱藏汝善隱藏譬如今者諸女嫁時或復擲華金銀衣服及擲羅闍梵稱羅闍作如是呪願言語願汝新婦安隱快樂諸比丘如是次第往昔衆人如是惡作見今諸人亦如是作以是因緣諸衆生輩於世法中行於惡行如是次第起作舍羣為被惡業作覆

藏故偈言

初時作占婆

於後波羅奈

過劫殘末際

規度王舍城

諸比丘此因緣故前最勝者造作村城聚落處所國邑王宮莊嚴世間出生住處如是衆輩更復增長非法行時有餘衆生福命業盡

從光音天捨身來下母腹受胎諸比丘此因緣故舊時勝者先生世間彼等衆生餘福力故不須耕種而有自然粳米出生若有欲須日初分取於日後分即復還生日後分取日初還生成熟一種若不取者依舊常在時彼衆生福漸薄故懶惰懈怠貪悋心生作如是

取十

十

念今此粳米不曾耕種何用辛苦日初日後時別各取徒自困乏我今寧可一時頓取遂即併取時餘衆生喚彼人言食時節至可共相逐收取粳米彼人報言我以一時爲日初後頓取將來汝欲去者可自知時彼作是念此衆生等善作快樂於日初後一時頓取我

今應當爲兩三日亦可併收即便悉取余時更有別衆生喚彼衆生言我等可共收取粳米彼即報言我前惣已取三日分汝自知時彼衆生聞復作是念此人甚善我今亦宜一時併取四五日分爲貯積故時彼粳米即生皮糲裏米而住被刈之者即更不生未刈之

處依舊而住其此稻穀即便段別叢聚而生是時衆生相共聚集愁憂悲哭各相謂言我憶往昔意所生身以喜爲食自然光明騰空自在神色最勝壽命長遠而爲我等忽生地味色香味具食已久住其多食者色形則鹿少食之者顏色猶勝爭勝劣故起憍慢心則成差別緣於此故地味滅沒次生地皮次生林蔓次生粳米乃至皮糲刈者不生不刈如舊以如是故成此一叢段別住也我等今者宜應分壇結作界畔并立誦罰彼是汝許此是我分侵者罰之

取十

十

諸比丘此因緣故世間便有界畔誦罰名字

出生

今時別有餘一衆生自惜已稻益他稻穀餘人見已即告彼言謂汝衆生汝惡作也汝惡作也云何自有盜取他稻呵已而放更莫如此而彼衆生已復再作亦且呵放如是再三猶不改悔復言呵責以手打頭牽臂將詣衆

人之中告衆輩言此人盜他而彼衆生對於衆前拒諱爭鬪語衆輩言此之衆生處惡言語罵詈於我以手打我時彼衆輩聚集憂愁悲哭叫喚我等今者相共至此因惡處也我等已生惡不善法為諸煩惱增長未來生老苦果當向惡趣現見以手共相牽排驅遣呵責我等今應求正守護為我作主合呵責者正作呵責合謫罰者即正謫罰合驅遣者即正驅遣我等所有田分稻穀各自收來彼守護主有所須者我等供給大衆如是共平量已時彼衆輩即共推求正守護者今時彼處大衆之中別有一人長大最勝可

受端正形容奇特微妙可觀身色光儀種種具足時諸衆輩向彼人邊作如是言善哉仁者汝為我等作正守護我等此處各有田畔勿使侵欺合呵正呵合責正責乃至謫罰合遣正遣我等所收不耕稻穀當分與汝不令乏少彼人間已即許可之為作正主呵責謫

罰驅遣平正無有侵凌衆歛稻穀而供濟之不令短闕如是依法為作田主以從彼等衆生田裏取地分故因即立名為刹帝利刹帝利者謂言時彼衆生悉皆歡喜依誠奉行彼刹帝利於衆事中智慧巧妙處彼衆內光相最勝是故稱名為曷囉闍曷囉闍者謂言王也大衆立為大

平等王是故名為摩訶三摩多摩訶三摩多者謂言大摩多王也

諸比丘其摩訶三摩多作王之時彼諸人輩因始立名為薩多婆薩多婆者謂言衆生

諸比丘其摩訶三摩多王有息名乎盧遮誦諸比丘彼乎盧遮作王之時彼諸人輩

取十

十二

稱為何夷摩柯隋言金者

諸比丘其乎盧遮王有息名柯梨耶哪正隋言

諸比丘其柯梨耶哪作王之時彼諸人輩稱

為帝羅闍隋言鳥

諸比丘其柯梨耶哪王有息名婆羅柯梨耶

哪正隋言最真者

諸比丘其婆羅柯梨耶那作王之時彼諸人

輩稱為阿婆羅騫陀隋言雲片

諸比丘其雲片王有息名烏迦沙他隋言齋戒

諸比丘其齋戒王在位之時彼諸人輩稱為

多羅承伽隋言木

諸比丘其齋戒王頂上自然出一肉胞生於

童子端正具足三十二相生已唱言摩陀多

四大洲自在治化摩陀多者

諸比丘此等大王壽命無量諸比丘其頂生

王右勝出胞生一童子端正具足三十二相

名右勝生亦有威力統四大洲其右勝王左

次善賢王次大善賢王次相愛王次大相愛

勝出胞生一童子亦三十二相名左勝生具

威德力王三大洲其左勝王右勝肉胞生一

童子威相如前王二大洲其右勝王左勝生

一童子威相如前領一大洲

諸比丘從此已來有轉輪王皆領一洲汝等

當知

取十

十三

諸比丘如是次第最初衆立大平等王次意

喜王次正真王次最正真王次受齋戒王次

頂生王次右勝王次左勝王次右勝王次左

勝王次已脫王次已已脫王次體者王次體

味王次果報車王次海王次大海王次奢俱

梨王次大奢俱梨王次茅草王次別茅草王

次善賢王次大善賢王次相愛王次大相愛

王次叶王次大叶王次尼梨迦王次那瞿沙

王次狼王次海分王次金剛臂王次牀王次

師子月王次那耶坻王次別者王次善福水

王次熱惱王次作光王次曠野王次小山王

次山者王次焰者王次熾焰王諸比丘其熾

焰王子孫相承有一百一並悉在彼逋多羅城治化天下其最後王名為降怨以能降伏諸怨敵故名曰降怨

諸比丘其降怨王子孫相承於阿踰闍城中治化有五萬四千王其最後王名為難勝諸比丘其難勝王子孫相承於波羅奈城中

治化有六萬三千王彼最後王名難可意

諸比丘其難可意子孫相承於柯算羅城中

治化有八萬四千王彼最後王名為梵德

諸比丘其梵德王子孫相承於彼白象城中

治化有三萬二千王彼最後王名為象德

諸比丘其象德王子孫相承於拘尸那城中

治化有三萬二千王彼最後王名曰藿香

諸比丘其藿香王子孫相承於優羅奢城中

治化有三萬二千王其最後王名那伽那嚕

諸比丘其那嚕王子孫相承於難降伏城中

治化有三萬二千王彼最後王名曰降者

諸比丘其降者王子孫相承於葛那鳩遮城

中治化有一萬二千王彼最後王名勝軍

諸比丘其勝軍王子孫相承於波波城治化

天下有一萬八千王彼最後王名曰天龍

諸比丘其天龍王子孫相承於多摩梨奢城

中治化有二萬五千王彼最後王名曰海天

諸比丘其海天王子孫相承還於多摩梨奢

取十

十四

城中治化有一萬王彼最後王還名海天

諸比丘後海天王子孫相承於檀多富羅城

中治化有一萬八千王彼最後王名為善意

諸比丘其善意王子孫相承於王舍大城治

化有二萬五千王彼最後王名善治化

諸比丘善治化王子孫相承還於波羅奈城

中治化有一千一百王彼最後王名大帝君

諸比丘大帝君王子孫相承於茅主大城中

治化有八萬四千王彼最後王復名海天

諸比丘其海天王子孫相承還於逋多羅城

中治化有一千五百王彼最後王名為苦行

諸比丘其苦行王子孫相承還於茅主大城

中治化有八萬四千王彼最後王名為地面諸比丘其地面王子孫相承還於阿踰闍城中治化有一千王彼最後王名為持地

諸比丘其持地王子孫相承還於波羅柰大城中治化有八萬王彼最後王名曰地主諸比丘其地主王子孫相承於剌剌地洩利湯

及羅城中治化有八萬四千王彼最後王名曰大天

諸比丘其大天王子孫相承於彼寐洩羅大城中治化有八萬四千刹帝利王彼一切王於彼寐洩羅城菴婆羅林中修行梵行其最後王名曰尼寐王次没王次堅齊王次軻嗽

取

十五

王次優波王次嗽摩王次善見王次月見王次闍軍王次法軍王次降伏王次大降王次更降王次無憂王次除憂王次肩節王次王節王次摩羅王次婁那王次方主王次塵者王次迦羅王次難陀王次鏡面王次生者王次斛領王次食飲王次饒食王次難降王次

難勝王次安住王次善住王次大力王次力德王次堅行王

諸比丘其堅行王子孫相承於迦奢婆波城中治化有七萬五千王彼最後王名菴婆梨沙諸比丘其梨沙王子名善立諸比丘其善立王子孫相承於波羅大城中治化有一千一百王彼最後王名枳梨祁

諸比丘彼時有迦葉如來阿羅訶三藐三佛陀出現世間菩薩於彼修行梵行生兜率天枳梨祁王息名為善生子孫相承還於逋多羅城中治化有一百一王彼最後王名耳其耳王有二息一名瞿曇二名婆羅墮闍彼生

一息名甘蔗種諸比丘其甘蔗種子孫相承還於逋多羅城中治化有一百一甘蔗種王彼最後王名不善長甘蔗種王諸比丘不善長王而生四子一名優牟佉二名金色三名似白象四名足梨其足梨息名曰天城天城有二名曰牛城其子牛城子孫相承於迦毗

羅婆蘇都城治化有七萬七千王彼最後
王名廣車王次別車王次堅車王次住車王
次十車王次百車王次九十車王次雜色車
王次智車王次廣弓王次多弓王次兼弓王
次住弓王次十弓王次百弓王次九十弓王
次雜色弓王次智弓王諸比丘其智弓王生
於二息一名師子頰二名師子足其師子頰
紹繼王位生於四子一名淨飯二名白飯三
名斛飯四名甘露飯又生一女名為不死諸
比丘其淨飯王生於二子一悉達多二名難
陀白飯二子一名帝沙童二難提迦斛飯二
子一阿泥樓駄二跋提梨迦甘露飯王亦生
取十
二子一阿難陀二提婆達多其不死女唯有
一子名世婆羅菩薩一子名羅睺羅
諸比丘如是次第從於大衆平等王來子孫
相承最勝種族至羅睺羅童子身上成阿羅
漢斷於煩惱盡生死際更無復有諸比丘此
因緣故舊往昔時有勝利利世間出生依於

如法非不如法諸比丘有如是法世間利利
最為勝生余時自餘諸衆生輩如是念言世
間有為是病是癘是其毒箭熟思惟已棄捨
有為於空山澤造作草庵寂靜禪定有所求
須或日初分或後分中出於草庵入村乞食
衆人見已須者與之復為造作或有稱言此
等衆生最好作善棄捨世間有流不善諸惡
法故名婆羅門此因緣故婆羅門種世間出
生或有衆生禪定不成倚著村落多教呪術
因此得名為教者也以其下來入村舍故名
向聚落復為成就諸欲法故名成就欲此因
緣故舊往昔時勝婆羅門高行種姓世間出
生依於如法非不如法復有自餘諸衆生輩
造作種種求利技能工巧藝術諸業之處以
此得名為毗舍也此因緣故舊往昔時毗舍
種姓現於世間彼亦如法非不如法諸比丘
此等三種世間生已於後復有第四種姓世
間出生

取十

十七

諸比丘復有一種各自毀咎自家法已剃除
 鬚髮身著袈裟棄捨世間出家修道口自唱
 言我作沙門彼作是稱即成正願婆羅門也
 毗舍亦然復有一種如前毀咎亦捨出家口
 自稱我當作沙門為彼故有如是正願
 諸比丘復有一種利利以身口意行於惡行
 以惡行故身壞命終一向受苦其婆羅門及
 毗舍等亦如是復有一種利利以身口意行
 善行故身壞命終一向受樂婆羅門毗舍亦
 然諸比丘復有一種利利以身口意行二種
 行身壞命終當受苦樂婆羅門毗舍亦介諸
 比丘復有一種利利正信出家修習證於三
 十七助道能盡諸漏心解脫智解脫現見證
 法得諸神通既作證已口自唱言我已盡生
 梵行已立所作已辦更不受有其婆羅門毗
 舍亦介
 諸比丘此三種姓於彼邊生能成就明行足
 得阿羅漢名為最勝諸比丘其梵王娑訶波

底昔於我前說如是偈
 利利勝生者 若出諸種姓 明行足成就
 彼最勝天人
 諸比丘其梵王娑訶波底彼偈善頌非為不
 善我已印可諸比丘我多他阿伽度阿羅訶
 三藐三佛陀亦說此義諸比丘如是次第我
 所具說世間轉成轉壞轉住諸比丘若有教
 師為諸聲聞所應作處哀愍利益而行慈悲
 我已作訖汝等須依諸比丘此等空閑山林
 樹下虛房靜室土窟崖龕或冢墓間以稻芋
 等為草庵住離於村舍聚落居停如是之處
 汝等比丘應修習禪勿墮放逸致令後悔此
 我教示汝諸比丘佛說經已諸比丘等歡喜
 奉行

十八末

起世經卷第十

取十

瑩何定 磧七亦 滓側史 情蒲非 逋上必 驛反
 覆上一 計反 摘之華 林下音 芒音 糴音 會反

弄處解上音推令四上士打擲直上音規決亦
 貯積直呂壇界上音拒諱許上音謫罰音上
 柯算起上音騫陀上音勝反蒲王三旺上音埶反古
 馱反唐崖龕下上音稻芋早上音頰反古
他反下軻嗽下上音積居支反嗜示音寐反古
馱反个下苦交反反又頰反古叶

起世因本經卷第一

隋三藏法師達摩多羅譯

閻浮洲品第一

如是我聞一時婆伽婆在舍婆提城迦利羅
 石室時諸比丘食後皆集常說法堂一時坐
 已各各生念便共議言是諸長老未曾有也
 今此世間衆生所居國土天地去何成立去
 何散壞去何壞已而復成立去何立已而得
 安住

尔時世尊獨在靜室天耳徹聽清淨過人聞
 諸比丘食後皆集常說法堂共作如是希有
 言論世尊聞已晡時出禪從石室起往法堂
 上在諸比丘大衆之前依常敷座儼然端坐
 於是世尊知而故問汝等比丘於此集坐向
 來議論有何所說時諸比丘同白佛言大德
 世尊我等比丘於此法堂食後共集大衆詳
 議作如是言是諸長老未曾有也去何世間
 如是成立去何世間如是散壞去何世間壞